


Appenzeller Brauchtum

„Chölbi“ 1969 Restoni Räss



Chölbi

1969

Uf d'Chölbi freut si Gross ond Chli...
ischt öserlechtig ase g'se,
moscht gad di chlinne Goofe g'sieh...
die Freud, wo's hend, vergesst me nie!

För die ischt Tröffpunkt – Budeplatz...
zwor g'siehscht au „Grösser“ (mit em Schatz)
nüd selte au no Ma ond Frau...
sönd intressiert a dem Radau!

Sölbscht Veterane mit em Wiib...
hend all no Freud a dem Betriib,
ond fühled si no wider jung...
göll – Jugend – Alter – gad en Sprung!

Z'mol säg i denn zum Fräuli – chomm...
mer sönd bigott no lang nüd omm,
du werscht au d'Ständ no welle g'sieh...
pressier emol – chomm – selewie!

Au Musig lose i de Sääl...
(zum tanze wärs mer frili z'hääl)
k'hör geen e alti Melodii...
vergnüeglig – bi me Schöppli Wii!

Das ischt för d'Chölbi mi Programm...
ond noher goht me z'frede – hamm,
ond bliibt dehem, mit jedem G'wett...
bis wider nebes ähnlichs gett!

